

آبونه شرائطی

مالک هفتاد و سه سالگی (۶۵)، الق
آبونه (۳۵۱) غروشد.

مالک امدوده سالگی (۶۷)، الق
باقی (۹) فرانقدر.

اداره خانه

باب عالی جاده سنده دائرة مخصوصه

اضطرابات

آبونه بدلی پشندر.

§

مملکت موافق آثار مع الممنونیه قبول
اولنور. درج ابدلین یاریلر اعاده
اولونماز.

کتابخانه

۱۳۳۰

اضطرابات

رساله مراد آلندی کوستارک شرطیه
بتون یاریلر هره نکی غرته طرفدان
اقتباس اولونه بیلیر.

§

مکتوبلرک، امضالرک و ضخ و اوقو ناقول
اولمسی و آبونه صبره نومردن محقری
بولومس لازمدر.

§

ممالک اجنبیه ایچون بونه اولر
درسلیرینک قرآنسرحه ده یارلمسی دجا
اولنور.

§

ده کوئدر لیدیکی، ان نه یه د تراولدیغسک
واضعا بیلدیلمسی دجا اولنور.

جلد ۱۲

۱۰ نیشان ۱۳۳۰

پنجشنبه

۲۷ جمادی الاول ۱۳۳۲

عدد ۲۹۳

فَقْرٌ وَقْتًا وَآيٌ

عرفك نظر شرعه کی موقعی

جواب : ۷

عرف ایلر عادت بر مبرر :

کتب فقهیه ده اکثریا عرف وعادت برابر ذکر اولنیور . عرف ایله عادتک بر اولدینی ویا آیری آیری شیر اولدینی مختلف فیه در :
(۱) بعضیلرینه کوره عرف هم قولده ، هم عملده واقع اولور . عادت یالکز عمدده واقع اولور . بوحالده عرف ایکی قسمه آیریلیر : برینه عرف قولی ، دیگرینه عرفی عملی دیر .

عرف قولی : ناسک بر لفظی اره لرنده استعمال ایلد کیری معناده قولالعملی در ، که هر نه زمان بو لفظ ایشیدیلیر ایسه ذهنه انجق او معنی تبادر ایدر . مثلاً دابه لفظنی مرکبده ، درهم لفظنی بلده ده غالب اولان نقده ده استعمال عرف قولیدر .

عرف عملی : ناسک مساسی عام اولان بر شیئی بعض افرادنده استعمال ایلدیری در . مثلاً اتمک لفظنک مساسی عام در . داری اتمکنه . مصر اتمکنه ، اریه اتمکنه شاملدر ، لغة بونلره صادقدر . فقط ناس انی بغدادی اتمکنده استعمال ایدیور . ایشته ناسک بو استعمالنه عرف عملی دیر .

کذا ات لفظنک مساسی عامدر ، بالق اتنه ، قوش اتنه ، طاوق اتنه ، دوه اتنه شاملدر . لغة بونلره صادقدر . فقط ناس انی قویون اتنده استعمال ایدیور . بونک کبی ایاق باصق ترکیبندی ده ناس کیرمک معناسنده استعمال ایدیور .

عرف عملی به عادت ده اطلاق اولنور .

(۲) بعضیلری عرفی اقواله ، عادتق اعماله حصر ایدیورلر .

(۳) دیگرلری ده عرف ایله عادتق فرق ایتیورلر .

محیطده تعامل ایله تعارف یکدیگرینه عطف تفسیر اوله رق ذکر اولونمشدر .

سعدالدین قفازانی تلویحده عادت ایله عرفی تفریق ایدیور ، شویله که : بر کیمسه « باش یمیم » دیه یمین ایتسه باش لفظی هر نه قدر عرفاً هر حیوانک باشنده استعمال اولنور ایسه ده عادتاً فرونده پیشیریلوب پریان اوله رق صاتیلمق اوزره متعارف اولان باشی یمید که حاث اولماز . چونکه عادتاً هر حیوانک باشی قصد اولونماز ، عادتاً چکرکه باشی ، سرچه باشی باشده داخل اولماز . اترق ذکر اولندینی وجهله متعارف اولان باشه خاص اولور .

ایشته بحسب الامکنه والازمنه عادتک اختلافانی نظراعتباره آله رق امام اعظم ابو حنیفه باشی اولادوه ، دانا ، قویون باشلرینه ؛ نانیاً

دانه ، قویون باشلرینه ؛ دهاصو کره قویون باشنه خاص قیلمشدر .

صدر الشریعه : توضیحده عرف ایله عادتق فرق ایتیور .

ابن کمال : تغییرالتنقیحده عرف ایله عادتق تفریق ایدیور . هر ایکسینه آیری آیری مثال ایراد ایدیور . عرف متعارف اولانه ، عادت معتاد اولان خاص اولور ، دیور .

مجامعه ده عرف و تعامل آیری کوستریلیور .

عرف وعادت مقننه فقهای اسلامک نظرلری :

عرف وعادت حقننه فقهای اسلامک نظرلری مختلفدر .

۱ - فقہ حنفی . - التقرير والتحییرده بیان اولندیغنه کوره

عادت : علاقه عقلیه اولمق سزین امر متکرره اطلاق اولنور .

مع مافیه عادتق شویله ده تعریف ایتشلردر : نفوسده مستقر وطبایع سلیمه عندنده مقبول اولان امور متکررددر .

عرف : شهادات عقول ایله شهرت بولوب طبایع سلیمه نک تلقی بالقبول ایلدیکی شیدر .

عرف عملی لفظ عامی تخصیص ایدر . شافیه و فقهای سائر عرف عملی نک مخصص اولسنی قبول ایتیورلر .

عرف قولی بالاتفاق لفظ عامی تخصیص ایدر . عرف یمینده معتبردر .

عرف و تعامل (ناسک استعمالی) شرعه ونص فقهایه مخالف اولمیان برلرده حجتدر . تصریح مقابله سنده عرفه اصلاً اعتبار اولونماز . عرف

بر عمل جاریدر ، ابن بطال : عرف عندالفقها امر معمول بهدر ، شرعه شرط لازم کبی در ، دیور . بر مسئله ده نصک کنیردیکنی عرف اصلاً بوزمه باز .

اوت عادت محکمدر . یعنی حقننه نص وارد اولمیان بر حکم شرعی بی اثبات اتمک ایچون عرف وعادت حکم قیلیر ، عندالزراع مرجع اتخاذ اولنور .

هرهانکی حادثه که حقننه نص شارع اولماز ایسه او حادثه نک حکمی بیلنمک ایچون عرف وعادته مراجعت اولنور : ناس فصل عمل

ایدر ایسه او حادثه نک حکم شرعیسی او یله در دیر .

بر چوق مسئله ده عرف وعادته مراجعت اولنور . عادت بر اصلدر ، بوکا مبنی بر لفظک معنای حقیقیسی عادت ایله ترك اولنور . مفتی ایله

قاضی ظاهر مذهب اوزره حکم ایدوب بوندن طولای عرف وعادتق ترك ایده مزلر . چونکه بر چوق احکام عرفه ابتنا ایدر . بوندن طولای

عادات ناسی بیلنمک حاکمک اوصافنددر .

شمس الأئمة السرخسی عادتک خلافه صراحت بولونمقده عادت

محکمدر دیور .

عرف عام نص اولمز ایسه اجماع منزله سنده در . چونکه عرف عام : عهد صحابه دن اعتباراً زمانزه قدر اولان تعاملدرکه مجتهدین او تعاملی اقرار ایتشار و تعارفه مبنی انکه عمل ایشلردر .

ایشته ائمه حنفیه جه بالاتفاق حجت اولان عرف عام بویله اولان عرف عامدر . زمان اجتهادک غیریسنده بولنان عرف عامده مذهب اصح اوزره زمان اجتهادده کی عرف عام کی حجتدر .

عرف خاصک حجت اولوب اولماسی مختلف فیه در . نصیر بن یحیی ، محمد بن سلمه و سائر کبی مشایخ بلخه کوره حجتدر .

الحاصل ناسک عرف و عادتلی بر حجتدر ، لدی الحاجه اکامراجمت اولنور ، انکه عمل واجب اولور . فقط عرف و عادتک شرع جلیل انوره ، نص فقهایه مخالف اولماسی شرطدر .

یوخسه شرع مطهره ، نص فقهایه مخالف اولان عرف و عادت شرعاً منکردر ، فقهای قیامتسزدر . نه فقهه ، نه شرعه اصلاً بر تأثیری

کوریه مر . نته کیم ناس اولدن بری بیوع فاسده ایله بیع ایدرلر ، انواع فسوق ایشلرلر . بیوع فاسده ایسه تعامل وارددر . هیچ بر مسلم « بیوع فاسده ، فسوق ، حرام تعامل ایله حلال اولسون » دیه مز .

انضاً ذکر اولدینی اوزره بر چوق احکام عرف و عادت بنا قیلنش ایدی . بویله عرف و عادت مبنی اولان احکام انحق عرف و عادتک تغیریه تغیر ایدر . بوصورته انصه مبنی اولیوب عرفه مبنی اولان احکام جزئییه تغیر ایدر . یوقسه احکام کلیه اصلاً تغیر ایتمز . تغیر ایدن شی : احکام کلیه ناک حوادثه امر تطبیقی در . عرف هیچ بر صورتله انصه قارشو کلهماز . چونکه : عرف باطل اوزرینه مبنی اولور .

نص ثابت اولدقدن صوکره باطل اولهماز .

عرف متعارف و ملتزم بولندینی کیسه سهر عندنده حجتدر ؛ زمان اجتهادده اولان عرف عام بالاتفاق ، زمان اجتهادک غیریسنده اولان عرف عام مذهب اصح اوزره حجتدر . عرف خاصک حجت اولسی مختلف فیه در .

نص : عموم عندنده حجتدر . عرفک حجت اولسی ایسه بر اثره مستنددر . بوده ، « مارآه المسلمون حسناً فهو عندالله حسن » اثریدر . بو اثر فقیه الصحابه ابن مسعود رضی الله عنک قولیدر .

غریبدر که بر چوق کتابلرده اثر مذکور حدیث نبی اوماق اوزره ذکر اولنور . حالبوکه اهل حدیثک بیانلرینه کوره اثر مذکور ، حدیث نبی دکل ، بلکه قول ابن مسعود صحابیدر .

نص طوغریدن طوغرییه حجتدر . عرف اهل ، انکار اولنورسه شرعاً قدح ولوم لازم کز ، بالعکس نص اهل اولنورسه شرعاً قدح ، انکار اولنور ایسه کفر لازم کلیر .

عرفاً مذموم اولان بر شیئی ارتکاب مروتی اخلاص ایدر . شرعاً مذموم اولان بر شیئی ارتکاب تقوایی اخلاص ایدر . شوقدر که یمینلرده عرف معتبر اولدیغندن یمینلرده استعمال شرعی ایله استعمال عرفی تعارض ایدرایسه استعمال عرفی استعمال شرعییه تقدیم اولنور .

مثلاً بر کیمسه فراش و یا بساط اوزرینه اوتورمیه جغم ، و یا سراج

ایله ضیالیمیه جغم دیه یمین ایتدکدن صوکره ارض اوزرینه اوتورسه ، و یا شمس ایله ضیالسنه هر نه قدر لسان شرعه ارضه بساط ، شمس سراج اطلاق وارد اولمش ایسه ده ینه حاث اولماز . یمینلر الفاظه مبنی در ، یوخسه اغراضه مبنی دکلدر .

رکن ثانی امام ابو یوسف الانصاری نک عرف حقتده کی مذهبی اولکی مقاله مزده یازلدیغندن بوراده تکرارینه لزوم کورلما مشدر .

۲ — فقه مالکی . — ابو العباس احمد بن ادریس القرافی تنقیح الفصولده عادتی ادله احکام شریعتدن کوستریور و شویله تعریف ایدیور : غایبه معنی من المانی علی الناس = معایندن بر معنائک ناس اوزرینه غلبه سی در .

غلبه بعضاً بتون بلاده شامل اولور ، غلبه عامه اولور : غذا ایچون حاجت ، تنفس ایچون هوا کی .

بعضاً بعض بلاده مخصوص اولور : نقود ، عیوب کی .

بعضاً بعض طائفیه مخصوص اولور : اسلام ایچون اذان ، نصاری ایچون چاک کی .

مشارالیه فروقده شویله دییور : « عرف ایکی قسمدر : قوی ، عملی . عرف قوی الفاظه ترجیح اولنور ، بوکا مبنی حقایق عرفیه حقایق لغویه مقدمدر ده نیر .

عرف قوی : لفظ لغویده مؤثردر ، لفظی تخصیص ایدر ، تقید ایدر ، ابطال ایدر .

عرف عملی : لفظ لغویده مؤثر دکلدر ، لفظی تخصیص ایتمز ، تقید ایتمز ، ابطال ایتمز . چونکه عمل وعدم عمل وضع لغته معارض اولماز . « قرافی عقدک عرفه تابع اولدینی محلی ، عادتک حاکم اولدینی لفظی آلتی کوستریور : لفظ شرکت ، لفظ ارض ، لفظ بناء ، لفظ دار ، لفظ مراجعه ، لفظ ثمار .

ابراهیم الشاطبی موافقاده شویله دییور :

« عادات مستمره ایکی قسمدر : عادات شرعیه ، عادات جاریه . عادات شرعیه شرع انورک ایجاباً و یاندماً امر ایتدیکی ؛ یا خود کراهه و یا تحریماً نمی ایتدیکی ؛ یا خود فعلاً و یا ترکاً اذن و یردیکی عاداتدر ؛ تعبیر آخرايه دلیل شرعی نک اقرار و یا نفی ایلدیکی عاداتدر .

عادات جاریه : نفی و اثباتی حقتده بر دلیل شرعی اولیوب بین الخلق جاری اولان عاداتدر .

عادات شرعیه : سائر امور شرعیه کی ابدأ ثابتدر : ستر عورات ، ازاله نجاسات ، کوله دن اهلیت شهادتک سایی ، بیت مکرمی چپلاق اوله رق طوافدن نهی کی .

عادات شرعیه احکام شرعه داخل اموردن اولدیغندن بولنورده تبدیل یوقدر .

عادات شرعیه حسن قبحه ، قبح حسنه منقلب اولماز . نته کیم « کشف عورت عیب دکلدر ، قبیح دکلدر ، او یله ایسه جائز اولسون ؛

الفاظ ناسك معاملاتنده عادت ناسه مبتنی دكدر . عادت ناس
شارك ناسه اولان خطابي تغيرده مؤثر دكدر . فقط الفاظدن مقصودك
نه اولديغنی بيلديرمكده مؤثر در . ديور .

ناصرالدين البيضاوي مهاجده شافعيهك آنجق عرف قولي ايله
تخصیصی قبول ايتديكنی بيان ايدیور .

تاج الدين سبكي جمع الجوامعده ، جمال الدين الاسنوي محصولدن نقلاً شرح
مهاجده : « فعل ناس یعنی عرف عملی شرعه حجت دكدر . » ديه تصریح
ايدیورلر .

قاضی حسین عرفه رجوع فقهك مبتنی اولديغنی قواعد خمسك
بريدر ، ديور . قواعد خمس شونلردر :

شك ايله يقين زائل اولماز . — ضرر ازاله اولور . — مشقت
تيسیری جاب ايدر . — بر ايشدن مقصد نه ايسه حكم آكا كوره در . —
عادت محكمدر .

۴ — فقه منبى . — ابن القيم الجوزیه : « شرط عرفی شرط لفظی کييدر .
يوز يردن زياده عرف انطق مجراسنده در . » ديور . مثلاً معاملاتده بلدهك
نقدی ، مسافره طعام اكرامی ، عقد اجاره ايتكمسزين حمامه دخول ،
سبياخانه دن صوايحكم ، كرا حيواني حرون اولور ايسه دوكمك ،
دخوله مأذون اولديغنی خانه ده صوايحكم ويصديغنه طينمق و سائر كبی
محلده عرف نطق (یعنی اوجنچی معنایه نص) مجراسنده در .

مشاراليه ديكر بر محلده : « يمينلرده ، نذرلرده ، اقرارده و امثالنده
عرف وعادت معتبر اولمغه عرف وعادتك تغيری ايله فتوی ده تغير ايدر . » ديور .

۵ — ائمه سائر فقهی . — بخارینك بيان ايتديكي وجهله قاضی شریح
کندوسنه مراجعت ایدن غزالله (موطافله) بينكزده كي عادتکز
معتبرد ديش ایدی .

بخاری ، باب بیوع . باب اجاره ، باب كيل ووزنده اهل بلدهك
عرفنه مراجعت اولنه جغنی بيان ايدیور .

بخارینك تخریج ايتديكي حديث شريف موجبجه فخر عالم صلی الله عليه
وسلم افندمن حضرت تليينك عرفه اعتماد آخامتجي به اجرت شرط ايتكمسزين
اجرتی ويرمشدر .

امام مشاراليهك تخریج ايتديكي ديكر بر حديث شريف موجبجه
بنی ذیشان صلی الله عليه وسلم افندمن حضرت تليی زوجه واولاد صغار
نفسه سی حقنده كي مقدار كفایه بی عرفه براقیورلر . وشویله بیوریورلر :
« خدی مايكفيك وولدك بالمعروف ... »

حسن بصري عرفه اعتماداً كراهه مش اولديغنی بر مركبه كرا شرط
ايتديكي حالده كراسنی ويرمش ایدی .

ابوالطيب القنوجی صفی الهنديدن شویله برسوز نقل ايدیور : « عادت
حجت دكدر . عادت فصل اولورده لفظ شارع معارض اوله بيلير . . . »

ابوالطيب القنوجی : « عادت ايله تخصیص آنجق حنفیهك مذهبی در ،
فقههای سائر هیه كوره عادت ايله تخصیص یوقدر » ديور . وصفی الهندیك

كولهك شهادتی قبول اولسون » دینه من [۱] . یوخسه احكام مستقره
مستمرهك منسوخ اولسی لازم كایر . حالبو كه ارتحال نیدن صوكره
نسخ یوقدر . بناء علیه عادات شرعيهك زفنی باطدر .

عادات جاریه به یله دكدر . بعض كره متبدل اولور . حسن ايكن
قيیح ، قبيح ايكن حسن اولور . باش آچيق بولنق كبی كه بلاد شرقیه ده
قيیح ايكن بلاد غربیه ده قبيح دكدر . بوبابده حكم شرعی مختلف اولور .
اهل مشرقه كوره باش آچيق بولنق عدالتده قدح در . اهل مغربه كوره
باش آچيق بولنق عدالتده قدح دكدر .

عادات جاریه متبدله ده بعضاً بحسب الاصطلاح عبارده مختلف اولور .
يمينلرده ، عقدلرده ، طلاقده اكثرثیا جاری اولان بودر . آرتق حكم
معتاد اوزره ترتب ايدر . اختلاف عاداتدن ناشی اولان اختلاف ، احكامده
اختلاف دكدر .

عادات جایه كرك دليل شرعی ايله امرأ ونهياً واذناً تقرر ايتسون ،
كرك دليل شرعی ايله تقرر ايتسون شرعاً معتبردر .

عاداتده اصل اولان معانی به التفات ، عباداتده اصل اولان تعبددر .
نته كیم صلات هیأت مخصوصه اوزره افعال مخصوصه به خاصدر . اكر
افعال مخصوصه اجرا اولونماز ايسه صلاه اولماز . كذا حدثن طهارت ماء
طهوره مخصوصدر . ولو كه ماء طهورك غیریله نظافت ممكن اوله .

عادات عبادات كبی دكدر . چونكه شارع مصالح عبادی قصد
ايتديكندن عاداته متعلق اولان احكام ، مصالح ايله برابر دوران ايدر
طورور . عینی برشی فقدان مصلحته مبنی ممنوع اولور . اكر آنده
مصلحت بوانور ايسه جائز اولور .

عاداتده بولديغمن شو مصلحتی عباداتده بوله میورز . مع مافیة عاداتده ده
بعضاً تعبد واردر . زوجك وفاتندن طولای عدتك درت آی اون كون
اولسی كبی كه بوراده مصلحت عقلاً مدرك دكدر . عاداته امثالده نیت
احتیاج یوقدر . عاداتك مجرد واقع اولسی كافیدر . ودیعه بی ، مال
مغضوبی ، نفقه بی ویرمك كبی .

۳ — فقه شافعی . — ابو اسحق شیرازی « اللمع » ده شویله
دیور : « عرف وعادت ايله عمومی تخصیص جائز اولماز . زیرا شرع
عادت اوزرینه وضع اولونماشدر . شرع بعضیلری عندنده مصلحت
اوزرینه ، ديكرلری عندنده جناب حقه اراده ايتديكي شیئه وضع
اولونمشدر . بو ايسه عاده توقف ایتز . »

ابو حامد محمد الغزالی المستصفی ده عرف قولي ايله لفظك مخصص
اولسنی قبول ايدیور . فقط عادت ايله یعنی عرف عملی ايله عامك تخصیصی قبول
ایتمیور . مثلاً طعام حرامدر دیرسه طعام لفظی بالكز معتاد اولان طعامه
خاص اولماز . بلکه معتاد اولانده ، اولیانه ده شامل اولور . چونكه

[۱] امام ابو حنیفه ومالك وشافعی به كوره كولهك علی الاطلاق شهادتی
مقبول دكدر . امام احمد بن حنبل مذهب مشهورینه كوره حدود وقصاصك
ماعداسنده كولهك شهادتی مقبولدر . حضرت علی كرم الله وجهه ، انس رضی الله
عنه ، قاضی شریح رحمة الله علیه عندلنده كولهك شهادتی مقبولدر .

بوسوزنی تنویر مدعی مقامنده ذکر ایدیور. بوباده کندنجه حق اولان مذهبی شویله بیان ایدیور: «عادت زمان پاک رسالتده مشترایسه یعنی لفظ ذکر اولندی زمان مراد اولدیغی اکلایایر ایسه عادت عامی تخصیص ایدر. چونکه رسول الله صلی الله علیه وسلم افندمن حضرتلری ناسه آنجق آکلادقلری شی ایله خطاب ایدرلر ایدی. آنلرده بینلرنده متعارف اولانی آکلارلر ایدی. اگر عادت بویله اولمز ایسه او عادتک حکمی یوقدر، اصلاً آکا الزفات اولونماز. شارعک تکلم ایتدیکی عصرده متعارف اولیوب صوکرده دن حادث اولان عادت ایله کتاب وسنک کلامنی تخصیص خطای ظاهر، غلط فاحش در. بزم سوزمنر مخصوصات شرعیده در. فقط مخاطبه و محاوره ده عادت حادثه ایله تخصیص جائز اولور.»

نتیجه:

۱ — عرف اصلاً و قطماً نص جلیله مزاحم اوله نماز. عرفی فصل مزاحم اوله بیایر که خیرامت، ناصر سنت، ناطق بالکتاب، وارث انبیا، دلیل هدی اولان فتهای اسلام باجمعهم اتباع نصوصه مجبور اولیورلرده بر چوغی عرف عملی به، تمامه حجت بیله دیمور.

باطل اوزرینه اوله بیلن بر عرف فصل اولورده باطل اولمه احتمالی بولونمیان نصه مزاحم اولور؟ عرف عملی نك حجت اولدیغنی قبول ایدنلر بیله حجت اولسنی شرع انوره، نصه مخالف اولمدیغنی صورته حصر ایدیورلر. عرف شرعه، نصه مخالف اولور ایسه ردی واجب اولور. بناء علیه: «شریعت نصه نه قدر اهمیت وریور ایسه عرفه ده اوقدر اهمیت وریور. نص ایله عرف عینی قوتی حازدر. نصاً حرمتی ثابت اولان بر فعل ایله عرفه مخالفندن طولای منکر اولان بر عمل آره سنده فرق یوقدر.» سوزلری خطای عظیم در.

۲ — عرف وعادته مراجعت نزاعی قطع ایچوندر. قطع نزاع شرعاً واجبدر. شریعت مطهره احمدیه قطع نزاع ایچون قرعه ده مراجعت ایدیور. حتی قطع نزاع ضرورتنه مبنی بینه حجت عد اولونمشدر. عرف وعادت آنجق ادله احکام شریعتدن بری در، اثر صحابی بهراجعدر. فی الواقع «فلیاً. کل بالمعروف» نظم جایی، «خذی ما بکفیک وولک بالمعروف» حدیث شریفی موجبنه عرفی نظر اعتباره آلمیان بر فقه اسلامی یوقدر. فقط عرف مطلق اولارق معتبر دکلددر. بلکه شرطه ملق اوله رق معتبردر. آرتق: «شرع عمللرک حسن وقبحنی ایکی معیاره مراجعتنه تقدیر ایدر: نص، عرف.» «عرف نصک یربخی طونار.» دیوبنده عرفدن قوتلی اولان ادله احکام سائرینی اهل ایتک فقه اسلامی به مطابق دکلددر. ۳ — احکام کلیه شرعیه، عادات شرعیه اصلاً تبدل ایتمز. تبدل ایدن: عادات جاریه در، احکام عرف وعادته مستند اولان جزئیه در. قواعد کلیه بی حادثه لره تطبیق جهتی در.

عجبا «اجتماعی عمده» لردن مقصد بومیدر؟ اگر بوا یسه بونده نزاع یوقدر. «بری ایچون معروفاندن اولان قاعده دیکری ایچون منکراندن اولور.» سوزی ایسه آنجق عادات جاریه ده معتبر اولور. یوخسه عادات

شرعیه ده اصلاً معتبر اولماز. بو حالده بوسوز علی الاطلاق طوغری دکلددر. ۴ — قرآن مینک و شرع احمدی نك امر ایتدیکی معروف، نهی ایتدیکی منکر عرف امتک امر ونهی دکلددر. بلکه معروف عقل ایله بیلنوب شرعک تحسین ایتدیکی، منکرده عقل ایله بیلنوب شرعک تقبیح ایتدیکی در. ایشته بو معنایه اوله رق امر بالمعروف، نهی عن المنکر واجبدر. امر بالمعروف، نهی عن المنکر اصول شریعتدن بر اصل عظیم در، ارکان شریعتدن بر رکن رکن در. شرع جلیک اعظم واجباتدن بری در. بو تقدیرجه مقاصد شریعتنه مطاع اولقمسزین معروف و منکرک معناسنی تحریف و تبدیل ایتک، شرعک تحسین ایتدیکی معروف، تقبیح ایتدیکی منکرکی عرف امته عطف ایتک، عرف امتک معروف و منکرکی نصک واجب و حرامنه قیاس ایتک خطای عظیم در.

۵ — امتک معروفنی شرع تحسین ایتماش ایسه او معروف امر بالمعروفده داخل اوله نماز.

بو حالده فصل اولورده فته نامنه نصی قبیح، عرفی قبیح دیه قبیح ایکی به آیریلیر؟ فقه اسلامده بر نوع قبیح واردر. اوده قبیح شرعی در. قبیح عرفی آنجق مروءتی اخلال ایدر. دینده طریقت مسلوکه دکل ایسه آکا لوم بیله ترتب ایتمز.

مناط حکم قبیحدر، دینه نك معناسنی نادر؟ مناط حکمک اصل ایله فرعه اشتراکی لازمدر. یعنی فارق الغا اولونمایددر. بوراده قبیح مناط حکم اولسه بیله فارق الغا اولمدیغندن قیاس جائز اوله نماز.

۶ — نص عرفدن متولد اولسه بیله مورد نصده نصه مخالف اجتهدی شیمدی به قدر هیچ بر فقیه اسلامی تجویز ایتماشدر. دنیوی ایشلره، اجتماعی حیاته تعلق ایدن نصلرک همان کافه سی عرفدن متولد اولسه بیله بینه نص اهاک اولونماز.

کچنکی مقاله ده عرض اولندیغنی وجهله امام ابو یوسف نصی اهاک ایتماش، نصی تبدیل ایتماش، نصی تحریف ایتماش، نصی آتیورماش، نصی اجتماعی اولمایلره حصر ایدرک ساحه سنی طارلشدرماش، نص عرفدن متولددر دیه رک عرفک ساحه سنی اولو اورتی کنیشلتماشدر. بلکه نص ایله عامل اولمش، نصی عرف ایله تأویل ایلش، نصک نه دیمک ایستدیکنی عرف ایله آکلماش، نصی کنیشلتماش در.

اوت عرفک ساحه سی کنیشدر. منصوص اولمیان مسائله: شرعه ونصه مخالف اولمیان محله غایت واسع در. عرف نه قدر کنیشلر ایسه کنیشلسون بینه حدود نص ایله محدوددر. نصدن قورتیلش یوقدر. نصه مقابل و معارض نه شریعت، نه فقه، نه اصول فقه یوقدر.

عرفی بویولده نصه مقابل طوتمق بر تصور، بر فکر، نهایت بر رأی اوله بیلیر. یوخسه: اصول فقه، فروع فقه، شریعت اولماز.

«دیگر سؤاللرک جوابلری ده

ان شاء الله جک هفته»

اسماعیل حق

ع. اشرف ادیب

«توسیع طباعت» مطبعه سنده
باصیل مشدر